

Presentacion buki "Mas rima rond di Aruba"

Diarason anochi, Fundacion Papiamente a presenta e buki pa mucha "Mas Rima Rond di Aruba" den e hal di Biblioteca Nacional di Aruba.

E ocasion aki tabata hopi special e ambiente masha ameno. Indra Anthony-Pereira (Fundacion Papiamente) a conta un tiki di e fundacion, con e idea a nace dos aña pasa, y con nan a funda e fundacion aña pasa, dia 27 di october.

El a conta kico tur nan a siña for di dje den e ultimo aña y kico nan planes ta pa e resto di 2005 y pa 2006.

Despues a pasa palabra pa e diseñador grafico di e

buki, srta. Ilaina Franco Franka cu a gradici pa tur e apoyo cu Fundacion Papiamente a ricibi den un aña y tambe a splica tur e tempo y dedicacion pa haci metanan realidad, pero e fruto despues ta loke ta importante.

E anochi a sigui cu un bunita presentacion pa srta. Liliana Braamskamp-Erasmus, cu a gradici tur cu ta apoye den su soño y cu semper tey pa duna un man. Despues di esaki Liliana a presenta e musico hoben Lidrick Solognier y asina a hiba e publico dor di e buki di rima, cu musica, poniendo e publico rima y

Mas den e anochi, Fundacion Papiamente a haci entrega na tur hende cu di un of otro manera a yuda haci e trabou aki realidad y asina a sera e anochi aki cu bolo masha grandi cu e diseño di e bukinan riba dje. Un detaye cu a wordo comenta entre e invitadonan for di trempa caba. Na e momento aki tambe tur invitado por a probecha y cumpira "Mas Rima Rond di Aruba" cu e siman aki ta wordo entrega na tur libreria.

Por tuma contacto cu Fundacion Papiamente via e-mail: fundacionpapiamente@hotmail.com of na tel. 585-9575.

